

ANUNCIO

A Xunta de Goberno Local, en sesión do 23 de maio de 2014, adoptou acordo relativo á rectificación, ao abeiro do artigo 105.2 da Lei 30/1992, do 26 de novembro, do Réxime Xurídico das Administracións Públicas e do Procedemento Administrativo Común, modificada pola Lei 4/1999, das Bases Específicas da convocatoria de vinte e tres plazas de Policía Local (dezaoito pola quenda libre e cinco por mobilidade horizontal), publicadas no BOP nº 240 de 18 de decembro de 2013 e no DOG nº 245, de 24 de decembro de 2013, incluídas na Oferta de Emprego Público correspondente aos anos 2010-2011 -segunda fase-, debendo engadir ás Bases Específicas no punto 8.-POLICÍA LOCAL, o seguinte:

“X.- Curso selectivo de formación e prácticas.

De conformidade co previsto na base XIV das xerais e no Decreto da Xunta de Galicia 204/2000, do 21 de xullo, os/as aspirantes aprobados/as deberán superar un curso teórico-práctico na Academia Galega de Seguridade Pública de Galicia (AGASP).

Ademais os/as aspirantes que superen o curso deberán realizar un período de prácticas no concello que será valorado pola Alcaldía tralo informe do xefe do Corpo, debendo obtela cualificación de “apto” para superalo.

Superado o período de formación, os/as alumnos/as recibirán o diploma acreditativo e poderán ser nomeados/as funcionarios/as de carreira.

O/a alumno/a que por enfermidade ou algunha outra causa xustificada perda máis do 15% das clases do curso de formación será declarado/a “non apto” e poderá incorporarse ó seguinte curso cando a causa determinante llo permita.

O/a alumno/a que non supere o curso de formación teórico-práctica poderá repetilo por unha soa vez, debendo neste caso incorporarse ó curso seguinte.”

Contra o presente acordo poderase interpoñer recurso contencioso-administrativo no prazo de dous meses contados dende o seguinte ao da notificación do acto administrativo que poña fin a vía administrativa, nos supostos, termos e condicións do previsto nos artigos 8, 25 e 46 da Lei 29/1998, do 13 de xullo, Reguladora da Xurisdición Contencioso-Administrativa, sen prexuízo de calquera outro que se estime procedente en Dereito.

Vigo, 2 de xuño de 2014
O CONCELLEIRO-DELEGADO
DE XESTIÓN MUNICIPAL,

Carlos López Font